



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani Cum Divorvm Elogiis In Singvlos Anni Dies Distribvtis

**Brunner, Andreas
Pfeffer, Wilhelm**

Antverpiæ, 1637

S. Neophytus M. 20. Ianuarii.

urn:nbn:de:hbz:466:1-44055

citabantur. Enimvero interponere se hic Tribunus SEBASTIANVS, turpemq; à tam sanctis castris fugam omnibus viribus dissuadere. Dicenti cælum applausit, piumque oratorem lumine suo vesteit, simul vox insonuit ejuscemodi, *Nunquam non mecum eris.* Ab eo tempore non jam factum Æsculapium Romani habuerunt. Ita omnes morbospellere SEBASTIANVS; ita docte, dum corpori medicinam faceret, animum quoque morbidorum ad sanam fidem adducere. Inter hos cum jam urbi etiam Præfectus numeraretur, imperio Diocletiani male sani medicum suum sagittis confodiunt, confossum & prope exanimem negligunt. Sed qui SEBASTIANI manu curare alios voluit, suâ SEBASTIANVM non possit? imò vero adest ille incolumis, & sub aspectum tyranni iterum se sistit; mox tamen inter fustuarium fortem animam expirat, corpusque in cloacas abjectum Lucinæ tumulandum committit. *Hæc ex Sur.* Cæterum ejus cranio hodie Ebersperga Bojorū gloriatur, magnâ semper illuc confluentium religione, longè tamen majori recendentium, ubi votorum damnati sunt, lœtitia.

O verè illum degenerem & omnis boni expertem, qui cælestis vita amore non capit; qui timet hanc peritum perdere, ut illam possit accipere, quæ perire penitus non novit. Ex Orat.S.Sebast.

S. NEOPHYTUS M. 20.Ianuarii.

ITa est. uti sua adolescentem etiam urticam lacrimonia loquitur, ita suus nobilissimū quemque flosculum, cum primū exoritur, odor terris cæloque prodit. Ita, quem tibi pinximus, NEOPHYTUS Nicæa Bithyniæ oriundus jam inde à puerο

puero sanctiore spiritu visus est agi. Hic sub columbæ candore lectulum sæpenumerò Divi volatu ambire: hic postquam matri, quam ab eâ nascendo acceperat, vitam reddidisset, Dux ei in montem Olympum esse, speluncam hospiti monstrare, & à feris purgare. Ecquid porrò mirum, si post ipsum Numen, Angelum etiam tutelarem tam habuit familiarem? Nam iste victimum clienti suo ministrare; iste sub annum trecentesimum, cum vale jam parentibus divino jussu dixisset, opesque in pauperem turbam erogasset, ad tribunal Decii Imperatoris comes esse, testis virtuti clientis sui apud Superos, & præco futurus. Ibi Martyr à flagris, flammis, ferisque innoxius, occenti tandem carnificis ferro cecidit, monuitque non mentiri poëtas, qui ex Olympo ad cælos esse aditum canunt. Ex Martyrol. Rom. & Men. Græcis.

Delectatur Dominus Iesvs in gravitate vita, in cordum puritate, & in perfectione virtutum servorum suorum. Propriera Angelicam conversationem tenere co[n]tentur, quotquot cœlesti domino gratissimum desiderant exhibere famulatum. B.Laur. Just. de discip. Monast. Convers.

S. FRUCTUOSUS E. M. 21.Ianuarii.

IBANT ab Æmiliano Præside missi lictores, qui FRUCTVOSVM Tarragonis Episcopum in vincula abriperent. Non fugit hic, sed bonum se pastorem probaturus obviam etiam ivit lupis. In carcere vero constitutus signum scilicet exspectavit, quo currere ad immortalitatem juberetur. Jamq; feria VI. aderat, quâ Christus ipse martyribus mapam misit, cum FRUCTVOSVS duobus stipatus comitibus ad rogam cucurrit. Ex itinere oblatum à

piis